



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Summarium vndt Kurtzer Inhalt Der Staffeln des
Innerlichen Gebetts, vermittels deren die Seel zur
volkommenheit der beschaulichkeit gelangt vnd auffsteigt**

Teresa <de Jesús>

Gedruckt zu Cöllen, An[n]o 1637

Der Hochwürdigen Hochgebornen Fürstin vnd Frawen/ Frawen Mariæ
Claræ/ der Keys. Freyweltlichen Stifffern Essen vnd Mettelen/ auch zu
Notteln Abtissin/ geborne Gräfin vnnd Fräwlein zu Spaur/ Pflaum ...

[urn:nbn:de:hbz:466:1-54916](https://nbn-resolving.org/urn:nbn:de:hbz:466:1-54916)

EPISTOLA

Schriſt: was maſſen er in
der flucht auß ſeines Vato-
ters Hauß nach Meſopota-
miam zu der Sonnen vnder-
gang/auff dem Berg Mo-
ria ſich zur ruhe begeben/
vnd im ſchlaff geſehen eine
leiter ſo groß vnd hoch/
daß ſie von der erden auff
biß an den Himel gereichet/
daß auch die Engeln vnd
Himliche Geiſter daran
auff: vnd abſteigeten/vnd
der Herz ſelbſten oben dar-
auff lehnet vnd ruhete.

Durch dieſe Leiter kan
füglich verſtanden werden
Das innerlich Gebett/die be-
trachtung

DEDICAT.

trachtung oder beschawlig-
keit. Dan gleich die Mate-
rialische Leiter ist ein in-
strument/von den menschen
erfunden zu solchem endt/
daß man darauß liecht vnd
fertig vnder erdē in die hö-
he/ vnd widerumb von der
hohe herab steigen könne:
also ist auch das vorbemel-
te innerlich Gebett anders
nichts als ein Geistliches
instrument vñ mittel/durch
welches vñnd daran die
Gottliebende Seelen mit
grosser leichtfert:vñ hurtig-
keit von der erden gen Him-
mel/vnd von den Creaturen

EPISTOLA

zu dē Creatore vñ Schöpf-
fer herauff steigen mögen.
Dann was ist anders das
gebett als Oratio est mentis in
Deum eleuatio, eine erhebung
des gemüts zu Gott/das ist
ein solche vbung / dardurch
das gemüt / die memory, der
verstandt / der wille / Ja alle
sinnliche vnd empfindliche
kräften durch vorbildung
vnd betrachtung der ewigē
gütern / von den vielfältigē
zeitlichen zergänglichē din-
gen abgeführt / zu dē ewig-
seligsten gütern / zur liebe
vnd beschawligkeit Gottes
hinauff geführt vnd ange-
zogen

DEDICAT.

zogen wirdt. Damasc. lib. Or-
thod. fidei cap. 24.

So ist auch dieß Gebett
ein solche Leiter darauff die
Engeln hinauff vnd abstei-
gen/ also zuverstehen/ daß
durch die Engel bedcut wer-
den/ die reine vñ Geistreiche
Seelen/ welche durch das
innerliche Gebett hinauff
steigen gen Himmel durch
die beschawligkeit vnd liebe
Gottes/ vnd steigen wider-
umb hinab durch die vbung
der guten wercken/ vnd lie-
be des nechsten D. Gregor. l. 5.
moral. D. Thom. 2. 2. q. 181. art. vlt.
Bernard. serm. 53. ad Sororem.

EPISTOLA

Eine solche Geistliche
Englische Leiter hat ge-
macht vnd auffgerichtet
die Heilige Jungfrau vnd
Mutter Theresia / nicht als
lein beyden Exempelen ihres
Seraphischen Lebens vnd
wandels / so anders nit ge-
wesen / als ein stetes auff-
vnd absteigen / vnd eine be-
harliche vbung der Liebe
Gottes vnd des nechsten:
Sondern auch in ihren
Büchern vnd nachgelasse-
nen Schrifften / in welchen
sie beschreibet die vbung /
qualiteten vnd vielfaltige
Wärckungen nit allein des
ge

DEDICAT.

gewöhnlichen innerliche Gebets / so von den Gottsförchtigen Seelen gemeinlich / vnd absonderlich in des Geistlichen Lebens anfang gebraucht / vnd zwar mit grossen nutzen geübet wird; Sonderen auch des wunderbarlichen vbernaturlichen Gebetts / mit welchem dieselbe / so im vortigem gemeinen Ordinary Gebett vnd Übung der Tugenden sich embsich vnd beharlich ein zeitlang gebrauchet / vnd ihre Seelen nunmehr gantz außgereinigt haben / auß sonderbaren Gnaden

† v

Gott

EPISTOLA

Gottes offtmahlen bega-
bet/ vnd allgemach hoher
vnd hoher bis zu der heim-
licher vñ vnaussprechlicher
beschawung Gottes beför-
dert vnd erhaben werden/
welches Vbernaturliches
gebett durch obbeschriebene
Leiter viel mehr als dz vo-
rige verstanden wird/ dieses
beschreibet sie also klar vnd
ausführlich als niemahlen
vor sie kein Doctor oder ge-
lehrter gethan: Sie macht
auch diese Geistliche Leiter
vnd Vbung desselben Geb-
bets so bequem vnd leicht/
daß nicht allein die Hoch-
versten

DEDICAT.

verftendigen vnd gelehrten/
 fondern auch die einfältigen
 vnd vngelehrten beydes ges
 schlechts Mans vnd weibs
 personen (vornehmlich nach
 obbeschriebener vorgehen
 der vorbereitung) mit hilff
 dieser Lehren folches verfte
 hen/ vnd sich dessen mit viel
 größern nutzen gebrauchē/
 vnd defio leichter gen Him
 mel steigen mögen. Vnd diß
 ist das Intent dieses gegen
 wärtigen Tractätleins/ in
 welchem wir auß vnder
 fchiedlichen Büchern vnd
 Schrifften der H. Theresiæ
 heraus gezogen alles/was

EPISTOLA

sie von dem innerlichen Ges
bett hin vnd wider geschrie
ben/vnd haben alles in ge
wisse Ordentliche Staffes
len außgetheilet/damit ein
jedweder Gottliebende seele
erkennen möge/nicht allein
die Leiter / sonder auch die
Staffelen / auff welchen
sie stehen vnd auffsteigen
muß / biß dahin daß sie ge
lange zu der vollkommnen
vereinigung mit Gott vnd
dessen vbernaturliche wun
derbarliche Beschawung
welcher da auff der spitze
dieser Leiter rastet vñ ruhet.
Wann nuhn/Gnädige
Grawl

DEDICAT.

Frau/wir nun/ allein auß
 des Heil. Gebetts gewöhn-
 lichen fruchten / so in dero
 Fürstlichen Exemplarischen
 Gottseligen wandel erschei-
 nen vñnd erleuchten/ grug-
 samb abnehmen / wie innig-
 lich dieselbe dieser Heiliger
 Übung zugethan. Sondern
 auch in vielfältigen wichti-
 gen gelegenheiten dero sel-
 ben gegen die Heil. Mutter
 Teresia tragende deuotion
 vñ andacht/ wie auch gnä-
 dige Mütterliche affection
 vñnd Liebe / mit welcher sie
 dero demütige gehorsame
 Kinder vñnd Töchter bis

† vij

hero

EPISTOLA

Hero vmbfangē / in der that
 erspüret. Derowegen vnnnd
 zu öffentlicher erkennuß
 vnserer grösssten Obliga-
 tion vnnnd schuldigkeit / ha-
 ben wir nit können vmbge-
 hen Ew. Fürstl. Gn. sonder-
 lich vnd billich vor allen an-
 deren dieß Tractätlein der
 H. Jungfrawen vnd Mut-
 tern Terestix zu dediciren /
 welches vnder andern dero-
 selben schrifftten vnd zeichen
 ihres Himlischen erlangten
 Liechts vnnnd weisheit fast
 das vornembst / vnnnd das
 prob: oder Meister stuck ist.
 Dieser vertröstlichen hoff-
 nung

DEDICAT.

nung lebende / es werden
dieselbe auß angeregten
ursachen geruhen / solches
vō iren allergeringsten Die-
nern in gnaden anzuneh-
men / vnd jr diese kleine Of-
ferta nicht mißfallen zulaf-
sen. Es ist zwar ein kleines
vnd schlechtes Büchlein in
den augen der Welt / aber
in den augen Gottes / vnd
der Auserwehlten ein vber-
aus schöne vnd grosse Leit-
ter / durch welche der barm-
herzigster liebhaber vnser
Heyls Christus Iesus
Ew. Fürst. Gn. hoher vnd
hoher in inbrünstiger voll-
kommener

EPIST. DEDIC.

Kommener Liebe zu sich/ bis
zu der ewigen Allerseligsten
beschawung seines Anges
sichts/ziehen vund erheben
wölle. Verbleiben hiemit

Ew. Fürstl. Gn.

Demütigste Diener

PP. Carmelitæ Discalceati
des Closters S. Josephs/
In Colln.